


卷八



書名 譚襄敏公遺集三卷首一卷末一卷 嘉
 靖二十四年序刊與譚襄敏公奏議合印
 本
 撰者 明 譚綸 撰
 卷 卷八
 內容分類 集-別集-明中葉
 索書號 大木-總類-奏議-別集-20
 編號 D7450200

[彩色首頁1](#)

[東洋文化研究所漢籍目錄 編號: D7450200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-20](#)

[漢籍善本全文影像資料庫文本 譚襄敏公遺集三卷首一卷末一卷 嘉靖二十四年序刊與譚襄敏公奏議合印本](#)

[版權所有: 東京大學 東洋文化研究所 使用上的注意事項](#)

譚襄敏公奏議卷之一

知宜黃縣事後學武原顧所有纂修



恭謝

天恩疏

嘉靖四十二年二月望日題

前任浙江布政使司右叅政兼按察司副使

勅 嘉靖四十年三月十九日以父憂離任本年

簡因廣寇流突江西伏蒙

卓復臣原職事寧伏蒙

譚襄敏公遺集

卷八

一

0 1 2 3 4 5 6 7 8 9 20 1 2 3 4 5 6 7 8 9 3

所
圖
書

四月譚襄敏公奏議

戊寅仲春
歸安張興言題籤

譚襄敏公奏議卷之八

四庫全書

知宜黃縣事後學武原顧所有纂修

防秋事竣諒功舉刺疏隆慶二年十二月望日題

臣照得每歲防秋事畢例將文武官員分別賢
否具

題以備懲勸今歲題奉

欽依修建敵臺臣等竊謂可爲邊境千百年之計與
一戰之捷一守之固萬不相侔當其鳩工之初
頗以慮始爲難幸文武諸臣敝精殫力百計圖



成以故春秋兩防且修且守完臺四百七十二座且規制宏偉造作精堅邊人僉謂素未嘗有即此完數可抵雄兵十萬臣謹會同巡撫順天都御史劉應節議照今歲舉刺直當以此臺工爲主庶計功程能不徒託之空言而人品才識自難逃其定論假非分別差等無以壓服人心若不查照原題事理

請乞

恩賚亦難責其後効臣等謂宜以春秋兩防俱在修

臺者提調自六座而上主兵叅遊都司自十一二座而上總副兵備官自百座而上應列爲第一等文職

請乞

加陞一級武官陞不世襲實職一級內有叅遊官員春秋止一防造臺亦至十二座而上又有入衛領班叅遊都司官員兵數本少而兩防造臺至八座以上者亦擬入第一等之例其春秋各止一防修臺提調自四座而上都司自六座而上

參遊自八座而上應列爲次一等

請乞

陞俸一級內有領班都司人衛參遊兵數不足但計每兵一千能完臺三座者亦宜擬入次一等之例其春秋兩防或春秋各止一防造臺雖不及格但計其所領之兵能以四百五百名完臺一座者亦

請乞先加

賞賚候四年工完再行通叙其悞事者則宜分別參

論黜革以示懲戒內有守備提調等官如果賢能卓異者則從特薦以備超擢不在造臺之例又有文武官員未與造臺如內地兵備標下將官但與有防秋之責者亦應併薦以作勤勞內除三屯營標兵遊擊王通保河營遊擊史宸遵化營標兵遊擊王廷政俱賢能任淺軍門標下中軍官署都指揮僉事暴以平遵化標下中軍官原任參將張功與各營路千把總等官武定所千戶趙一鳴等已經臣等獎勵及各悞事千

把總等官已經臣等戒飭者俱不敢瑣屑塵瀆
聖聽外臣等謹查得總理薊鎮都督戚繼光與密雲
兵備凌雲翼薊州兵備楊錦永平兵備楊兆協
守東路副總兵胡守仁協守西路副總兵李超
春秋兩防共督完敵臺三百六十六座鎖守昌
平總兵官楊四畏同昌平兵備宋守約春秋兩
防共督完敵臺一百零伍座又查得橫嶺路副
總兵楊鏜春秋兩防督造完敵臺一十五座白
羊口遊擊劉戡春秋兩防督造完敵臺一十三

座居庸關叅將孫山春秋兩防督造完敵臺一
十一座黃花鎖副總兵程九思春秋兩防督造
完敵臺一十二座昌平營遊擊張斌春秋兩防
督造完敵臺八座牆子嶺叅將張臣春秋兩防
督造完敵臺一十一座半大同入衛遊擊張鐸
春秋兩防督造完敵臺一十一座半古北口叅
將朱紹文春秋兩防督造完敵臺一十八座石
塘嶺叅將陳勛春秋兩防督造完敵臺一十七
座大同入衛遊擊趙竭忠春秋兩防督造敵臺

言身每ノノ多言
一十一座馬蘭谷叅將楊鏜春秋兩防督造完
敵臺二十六座半宣府人衛遊擊白添福春防
一防督造完敵臺九座松棚谷今聽別用遊擊
張蕙春秋兩防督造完敵臺一十一座太平寨
叅將羅端春秋兩防督造完敵臺二十一座延
綏人衛遊擊張拱立春秋兩防督造完敵臺十
座臺頭營叅將楊騰春秋兩防督造完敵臺一
十二座燕河營叅將史綱春秋兩防督造完敵
臺一十五座五門寨叅將李信春防督造完敵

臺二十座遼東人衛遊擊劉澐春秋兩防督造
完敵臺一十六座渤海所提調程照春秋兩防
造完敵臺八座潮河川提調劉尙仁春秋兩防
造完敵臺八座白馬關提調戴詔春秋兩防造
完敵臺六座白羊口守備王平春秋兩防造完
敵臺六座羅文谷提調王經春秋兩防造完敵
臺六座內如兵備叅政凌雲翼楊錦副使楊兆
僉事宋守約則共分才猷各竭忠藎屬事在草
創之初於眾難慮始之日語調度則夙夜匪懈

良工之心獨苦論率作則險阻備嘗敬事之志
彌勵又如薊鎮都督戚繼光昌平總兵楊四畏
實心任事銳志責成視險夷則隆冬盛暑罔辭
跋涉之頻課殿最卽縷析銖分務極擬議之當
善鼓舞而人思用命勤撫諭而眾不知勞又如
協守李超胡守仁職司訓練兼理工程酌緩急
之勢以事興築見經畫之得宜搜影占之役盡
入戎行雖怨謗而不避奔馳竟日勞瘁百端又
如副總兵楊鏗程九思叅將孫山陳勛張臣朱
紹文楊鯉羅端史綱楊騰李信遊擊劉戡張蕙
大衛遊擊張拱立張鐸白添福劉灃趙竭忠提
調程照劉尙仁戴詔王平王經官有主客崇卑
之異而報

國之念則同兵有強弱眾寡之殊而勞事之心則
一率捐俸募匠斲所費何止百金咸與事共苦
甘其勞可謂萬狀績用攸成功垂不朽以上諸
臣均當列爲一等以備陞錄但查兵備右叅政
凌雲翼敷歷最久才望茂著先以右布政被誣

謫官而來今公論已明勞績復盛相應復其原職仍加超擢牆子嶺叅將張臣素負膺揚雅懷虎略昔戰捧槌崖賞未當功今守牆子嶺位不稱德相應量進副總兵仍守本路以酬其忠者也今緣事原任石門寨叅將李信止歷一防獨造巍臺二十座於十四路功爲第一乃以父事累入法網相應憐其才勇議其功過以責後劾者也臣等又查得石門寨叅將董一元秋防督造完敵臺十座山東領班都司楊文秋防造完

敵臺八座河間遊擊陳其可秋防造完敵臺八座半領班都司嚴勳秋防造完敵臺八座領班都司時天爵秋防造完敵臺六座河間遊擊張涇領兵一千五百秋防造完敵臺四座又春防任橫嶺守備造完敵臺二座曹家寨遊擊王旌秋防造完敵臺四座又先任河間遊擊春防造完敵臺三座半以上諸臣感懷忠耿各盡實心或潔己以撫士而一塵不染人皆感恩而思奮或捐貲以犒軍而百工競勸臺故及時以早成

相應列爲次一等以備陞俸內叅將董一元歷任已踰三年例當別薦進階都司楊文先因降爲總旗充爲事官推補領班尋復功陞副千戶今所造八座規制壯麗迥異尋常似應改以署都指揮僉事職銜都司嚴勲領班四載更歷八防奉公守職有功無過似應遇缺量行推用者也又查得鎮邊城守備胡忠春秋兩防造完敵臺五座橫嶺城千總趙棟春秋兩防督造完敵臺四座保定營忠順都司何天爵春秋兩防督

造完敵臺六座八達嶺守備王陽春秋兩防造完敵臺四座鞏華營遊擊李時秋防造完敵臺四座原任本營遊擊高仲安春防造完敵臺五座保定忠順營遊擊馮登秋防造完敵臺四座黃花鎮守備李世臣春秋兩防造完敵臺四座寧夏營人衛遊擊崔桐春秋兩防造完敵臺五座半牆子嶺提調王祿春秋兩防造完敵臺四座鎮營提調張應時春秋兩防造完敵臺四座定州營原任都司吳增春春防造完敵臺三

座半原任遊擊左棋春秋兩防造完敵臺三座
半原任曹家寨遊擊張延賞春防督造完敵臺
四座提調甯潮春秋兩防造完敵臺五座延綏
人衛遊擊楊經秋防督造完敵臺五座領班都
司林棟秋防督造完敵臺四座領班都司今陞
任張銘春防督造完敵臺五座古北口提調潘
一麟秋防造完敵臺四座延綏人衛遊擊高如
桂春秋兩防督造完敵臺五座山東都司戚繼
美春防造完樣臺三座原任遊擊丁添福秋防

造完敵臺二座寬佃谷提調汪政春秋兩防造
完敵臺二座黃崖口提調康樞春秋兩防造完
敵臺二座半原任將軍石提調今陞總理練兵
坐營官謝惟能春防造完敵臺三座新任將軍
石提調徐槐秋防造完敵臺二座半宣府人衛
遊擊劉付秋防造完敵臺六座喜峯口守備今
陞遊擊王祿春防造完敵臺三座新任喜峯口
守備楊秉忠秋防造完敵臺二座定州營陞任
遊擊胡懋功春防造完敵臺四座新任遊擊王

登秋防造完敵臺六座固原人衛遊擊王紹勲
秋防督造完敵臺六座分守山海關叅將莫如
德秋防督造完敵臺二座河南領班都司葉鏗
秋防督造完敵臺四座桃林口提調劉坤春秋
兩防造完敵臺五座一片石提調李承召春秋
兩防造完敵臺三座大毛山提調張糾秋防造
完敵臺二座以上諸臣或念其遠軍人衛而量
減臺工或因其步軍數少而照軍派臺故臺數
雖不及格而勞蹟則咸爲可嘉合列二等以備

賞賚待四年工完之後再行通叙但內如人衛遊擊

楊經高如桂劉付王紹勲崔桐綽有智謀均懷
勇畧咸從他鎮人衛畧無彼此之心領班都司
戚繼美當臺制未定人心觀望之時首事修建
極其堅精以爲諸路之倡此六臣者所宜遇缺
推補叅將遊擊之任者也臣等又查得界嶺口
守備谷承功才識兼合謀勇兼資改官極衝之
邊絕無怨言又能力終其事併任兩關之責曾
無難色亦且耻言其功防則色色俱備處事

則井井有條榆木嶺提調王軫器識閑雅才猷
精練愛士真如嬰兒旣久逃之敵卒悉還營伍
治邊猶如家事雖以荒之屯地盡成膏腴建白
綽有千言操守並無一玷大安口提調陶世臣
忠義求爲古人澹泊猶如寒士草墩夜納班之
例夙蠹頓清嚴邊城瞭望之規雨夜不懈築臺
則胼手胝足三軍感甘苦之同持身而羸馬敝
衣一路起廉能之譽大水谷提調章延廩生長
南方熟諳邊務地利之險夷若燭照於胸中

情之向背如親得之境外稽查虛冒行伍之積
弊頓除整飭邊禦墩臺之戍守最密允爲有用
之才可備干城之寄以上四臣所宜特薦以備
拔擢而臺工非所論也又查得管理各路錢糧
兼監督臺工居庸關管關通判法暉霸州同知
今陞遵化管糧通判王建永平府同知賀溱通
判張文襄趙無咎專司出納而料價之支放以
時督理工程而往來之勞苦特甚若王建則建
明獨多嫌怨弗避若賀溱法暉張文襄趙無咎

則調度咸當樽節得宜以上五臣所當併薦以備

恩賚者也及照霸州兵備副使宋豫卿志存有為才堪任重治郡以循良報最東人懷去後之思兵備以保障為先黎庶有來暮之嘆正已以率其下貪黷為清彌盜必塞其源行旅無病此一臣者若無與於秋防之事然補軍給食保境安民例當並薦者也密雲標下領左哨叅將李如檀从歷戎行熟諳戰陣軍中之賞罰嚴明足稱節

制塞上之風霜備歷懋著威名恂恂貌狀有類儒生耿耿忠誠何慚虎將振武營叅將蔡勛忠信廉潔練達老成持重而綽有機謀彼此之籌畫素定仁勇而畧無誇詐上下之心志咸孚無忝折衝之才足當一面之選遵化營遊擊閻瑁从歷邊方暢達戎務撫軍則召補者已踰四百共懷挾纊之恩養馬則倒損者不滿數十綽有騰槽之氣倉卒富屬之變兩成遏截之功馳驅備東西之援具著防禦之績助臺則建昌之

採辦獨多修城而遵化之卜築爲最昌平營標兵遊擊馬負圖年力強盛資性驍雄厚撫部軍則重懲剝削之弊而衆無饑色加意馬政則嚴禁料草之尅而槽有騰驤節制分明旌旗因之變色器械鋒利戰守于焉有資宣府獨石路叅將麻貴清慎勤能勇敢多智長於料敵動能得乎情善於用人咸肯盡其死力於薊鎮而哨報甚明在本路而經畫可見以上諸臣雖無與於修臺之事均有裨於防秋之役所當併薦以

備循資擢用者也臣等又查得義院提調李某見利必趨谿壑之慾無厭望塵下拜韋脂之術尤工物議今已沸騰法令漸成廢墜雖臺工苟完而衝關非據此一臣者相應斥罷者也石峽谷守備白某資性寬柔才識庸劣撫馭無術而軍多逃亡法令不張而事咸叢脞臺工數少而僅完營房久修而未就卽操守已壞何補邊防而年力猶強直堪器使冷口提調劉某驍健有餘操守無議但性多嫌忌心復顛蒙抗螳螂之

臂以觸上官則理法凌夷懷鬼域之奸以傷善類則怨言叢集縱屬撲殺軍人曷追典守之罪致客兵耽延臺料殊非共濟之心龍井兒提調李某才本中人任當衝地邊務蝟集委於馳驅之弗前日惟涕泣以自廢屬雲屯苦於撫賞之弗繼任其撲捉以爲奸此三臣者雖修臺之功難以盡泯而繁劇之地終非所宜所當更調別用者也河南領春班都指揮僉事王某山東領秋班都指揮僉事徐某但知舊套未變習心各染指於常規威令爲之不振初無志於遠到修守所以無功但履官未及一年少壯尙堪鞭策此二臣者所當降充爲事官員仍聽領班以責後効者也如蒙伏乞

勅下該部再加看詳如果臣言不謬逐一議擬上請將總兵戚繼光楊四畏

特加優異叅政楊錦副使楊兆僉事宋守約各加陞職叅政凌雲翼復其原任仍候超擢協守副總兵李超等各陞不世襲實職一級叅將張臣量

進副總兵李信查其原犯從公勘贖遊擊陳其
可張涇王旌都司嚴勲時天爵各陞俸一級內
嚴勲仍遇缺推用叅將董一元候臣查例另
題陞職爲事官楊文進以署職領班入衛遊擊楊經
等各循資推用叅將胡懋功等先加

賞賚待其四年工完再行通叙守備谷承功提調王
軫陶世臣章延廩遇有叅遊員缺破格擢用同
知賀漆等併加

賞賚副使宋豫卿轉行吏部優錄叅將李如檀等待
其積有年勞循資擢用提調李某罷斥守備白
某提調劉某李某更調別用都司王某徐某各
降充爲事官仍舊領班如此則賞罰明而人心
思奮邊備肅而患不足虞矣

懇乞

天恩議處入衛兵馬土兵宜練邊兵宜減兩全重鎮

疏隆慶二年十月二日題

准兵部咨該征西將軍鎮守寧夏地方總兵官
左軍都督府署都督僉事雷龍題前事該本部
看得總兵官雷龍題稱寧夏孤懸河外三面受
敵醜日見猖獗疆場日見騷擾節年挑選遊
兵入衛薊鎖各路營堡抽揀空虛見今俺答率
衆迫聚西海河套諸酋聯營賀蘭誠恐乘虛突

入戰守無兵乞要將本鎮人衛兵馬每年每營
量減一千或五百在彼選摘士兵一千或五百
補人邊兵營伍隨同將領操練征戰一節爲照
入衛之兵以爲各鎮之累人人知之人人能言
之然十數年來卒不敢輕撤者以薊鎮士兵未
練患方殷

陵京至重不得不藉手足以護腹心也據其初議以
練主兵爲根本以調客兵爲權宜今薊兵之補
練迄無成效而衛兵之奔命委屬人疲故宣大

二邊督撫諸臣紛紛

奏乞撤罷而寧夏總兵官雷龍亦有此

請揆時度勢誠非得已但陝西四鎮之中以遠近言
則寧夏遠而延綏近以衝緩言則延綏衝而寧
夏緩若寧夏先准議撤則延綏諸鎮豈肯遽已
除今年已經起程無容別議外其來年客兵似
應以地方之衝緩爲減撤之先後合候

命下本部一回移咨陝西二邊總督王崇古寧夏巡
撫沈應時嚴督總副叅遊守操等官將防秋戰

守事宜一一及時整飭仍多方探諜 踪嚴加
戒備務保無虞一面移咨薊鎮總督譚綸巡撫
劉應節總兵官戚繼光卽將該鎮土兵自今爲
始務要多方召募設法抽補湊足三千之數處
給器械用心訓練至隆慶四年先將延綏客兵
減去一枝每年照此土兵以漸而補練衛兵以
漸而減撤如土兵卒難充實聽移文戎政大臣
暫將京營戰兵挑選二枝統以驍將春秋兩防
輪番赴薊操備前項練兵減兵事宜或別有空
礙亦聽薊鎮總督鎮巡等官查照科道等官節
議事理作速從長會議一併奏

請定奪仍查照本部等衙門近年會議事宜將各鎮
見調客兵無事則同各路標兵嚴加訓練遇警
則分布信地登牆拒守或應援截殺不得槩撥
修邊以致坐消銳氣無補邊防等因具題奉

聖旨是這人衛兵馬近來委的疲累著薊鎮督撫官
卽便議處具奏欽此欽遵咨煩查照等因備咨到
臣准經通行巡撫兵備衙門會同鎮守總兵官

讀史錄卷之六
從長計議回報及查先爲效愚忠條陳末議以
仰禱

聖治事准兵部咨該刑科右給事中光懋題前事內
開看得給事中光懋條陳減客兵一節大率謂
宣大薊鎮密邇

京畿兵衛之設舊有定額粵自庚戌之役黠
內
犯薄於

陵京當事者調發延固遼左一帶精銳之兵入護事
寧之日卽當還舊帥閩之臣每歲調發率爲常

例取彼益此難以爲常近年西邊失事已漸不
支欲爲經久之計破積習之弊莫若盡罷遠鎮
客兵量留三鎮舊額之兵嚴設固守如有不足
復清軍御史以嚴勾補查新充軍役以實行列
無非免遠徵以省勞費之意查得先該直隸巡
按王友賢條陳練土著以省人衛大率言入衛
之兵在各鎮則爲手足之傷在薊鎮則爲心腹
之擾欲要優恤邊民以練土著責成各道將部
民照冊編立保甲俱於邊城堞口就近分撥擺

守又該吏科給事中鄭大經條陳練土著以省
冗兵大率謂練邊民以儲邊軍欲要通查臨邊
州縣居民三丁抽一免其糧差招之爲軍酌量
地方分撥各邊防禦漸減客兵本部議擬備行
薊鎮督撫官從長計處去後又該直隸巡按御
史陳于階條陳復清軍以嚴勾補欲要查照先
年事例量差清軍御史數員將垛充軍役嚴行
勾解務實原額至於充發之軍犯該重刑減死
一等不宜縱之以逃嚴行查解俱令實邊該本
部議擬除添差清軍御史移咨都察院徑自議
覆外一畝先咨該院轉竹巡關御史將垛充軍
役查照缺籍嚴行勾解務實原額至於充發之
軍如有逃者亦要嚴查依律拿解以實邊伍俱
經覆奉

欽依通行欽遵外今給事中光懋具

題前因與前所陳事理相同合無備行薊鎮督撫
官酌議要見延固遼左之兵卽今應否罷徵宣
大薊鎮之兵畱守有無相應務要從長會議具

言集錄卷之六
奏前來以憑覆

請定奪大抵欲減遊兵之費無出于召募土著本部
一面移咨都察院轉行巡按巡關御史將缺籍
軍人嚴行清勾務實原額新充軍役嚴加查解
仍行總督譚綸巡撫劉應節自今歲爲始招得
土兵一千卽減調客兵一千務期土兵以漸而
多客兵以漸而減方爲經久之策至于山東河
南山西北直隸近鎮所在僉派民壯照里定數
量幫軍裝行糧等項薊鎮督撫官亦要計處的
當於人情事體有無便益一併具

奏等因又爲據愚忠祛積弊以少裨

國計事該巡按直隸監察御史房楠題該本部看
得御史房楠具

題前因大率謂邊方之費其弊有三自今以後墻
工告竣而勞者可以暫息主兵若練則客兵可
以量減備禦軍逃不必參提止行該道以軍法
網打仍扣其後來俸糧以抵支過之數南兵外
客宜遣之使還姑就北兵之已能者教其未能

者惟責成督撫竭力區畫此數言者本官日擊時艱因事建白無非節省財費之意相應議擬合無咨行總督譚綸秋防畢日會行薊鎮撫鎮等官備查今歲兩防完過敵臺的有若干來年邊工應否暫息練過主兵約有幾分來年客兵應否暫減其備禦軍逃不必參提止扣俸糧仍以軍法網打有無相應南兵客久遣之使還止以北兵之已能者教其所不能者是否可行逐酌議停妥具由回

奏以憑覆議施行等因俱奉

欽依備咨前來准經俱行總鎮兵備等官查議去後尋該陸續議呈前來非膠柱而鼓瑟卽高遠而難行迄無至當歸一之論今該臣會同整飭薊州等處邊備兼巡撫順天等府地方都察院右僉都御史劉應節議照數年以來言官建白大率皆謂主兵當練客兵當減章數十上蓋類千萬言至以憲臣專思補練之責十年于此矣今兵部復因給事中光懋與總兵官雷龍所

題議欲以隆慶四年爲始罷去延綏客兵一枝併以量調民壯以備應援垛抽民丁以實軍伍酌罷臺工以節兵力以省多費

請下臣等熟計行之仰見

廟堂之於邊事務求庶謀僉同而不欲遙斷也臣等當未至薊鎮之先亦恒有言

朝廷之於九邊蓋均重矣奈何調各鎮之兵以從事薊昌至以而不罷於各鎮有徵發之勞在薊昌繁供億之費甚非計之得也故自受

命抵鎮之初卽銳然以練兵爲已任必欲一振積弱而後已今當事二年講求區畫乃始得其梗概非謂有兵而不練蓋欲練而無兵也不然練兵亦非難事卽朞月而可何至議之十年而卒未覩成效乎臣等謹披瀝末爲

陛下陳之昔我

太祖高皇帝驅元以奠區夏其幅員之廣東漸于海西被流沙視漢唐宋爲獨盛云故在東則以開平在東北則以大寧在西北則以宣大以固

原延綏寧夏爲華 大界所在開設重鎮屯宿
重兵以備戰守而又衆建

親藩外示彈壓內資屏翰備禦之周無遺策矣而
薊在當時蓋爲內邊焉所重者居庸紫荆山海
三關而已時惟遣巡關御史以董其事而不設
鎮守繼雖設鎮守而亦不掛印蓋緩之也故額
設兵馬錢糧不及諸鎮之什一後至

成祖文皇帝遷大寧都司於保定改封

寧王於江西盡舉大寧之地而屬之兀良哈于時

運方衰三衛諸 畏威懷德且以內附爲幸
無有二心百數十年頗資其藩屏之力然在

文皇三犁 庭之時卽嘗有言滅此殘 惟守開平
興和大寧遼東甘肅寧夏則邊境可保無事矣
如此則

文皇何曾一日忘大寧哉但殘 未滅而

文皇上賓興和大寧經畧未竟其後 勢漸強三衛

漸弱竟至與 連和外雖佯順於我而陰實與
爲用至嘉靖庚戌而後而薊遂多事矣防禦

讀史錄卷之六
之計居然與宣大諸鎮相埒而利害所關尤爲
迫切蓋一墻之越卽直逼

神京震動

陵寢庚戌之事可爲殷鑒使當時果能興問罪三衛
之師復大寧一鎮之舊則薊之爲薊猶夫故也
不然則遷大寧都司於薊州盡復其兵馬之額
不足則如吏料給事中鄭一經所陳於沿邊州
縣抽取民丁以補之又不足則從各省募民以
實之卽不得如宣大三邊舊額之盛與三邊見

今三十萬之多但得嘉靖三十八年查過宣大
二鎮一十八萬之眾則薊鎮之力蓋亦可以自
支而何假以人衛爲也乃審時度力俱不能矣
於是議調列鎮列省之兵以人衛焉而又召募
各營之兵以爲應援非故損彼以益此爲冗兵
與冗費也蓋緣薊昌二鎮原無額設重兵乃爲
一切權宜之計已近出下策矣今查各路額設
之軍不滿六萬而老弱逃亡亦在其數各營召
募應援之兵在當時已不能及原議之數今七

營見在不滿一萬四千即使名名皆精數亦止此而況不盡然乎且總督鎮巡標兵又強半取給於此此外惟有先後

請發京操班軍二萬與調取保河等衛遊兵六枝民兵一枝共有二萬實在之數內如民兵一枝尙可練之以戰遊兵之中挑取三千尙可資之以守餘則十不當一者有之百不當一者有之驅之見必致敗事僅可以供修邊之役邊臺旣成之後教之相兼守臺而已夫以額設招募之

兵數僅止於七萬而內地徵發之兵又無足恃如此而又不資於十枝入衛之兵與招募南兵則三千四百餘里之邊將何所恃以爲固乎且以入衛之兵言之其初蓋十四枝遞減至今始十枝耳申如大同二枝延綏寧夏三枝每枝又遞減三百合十枝論之其逃亡事故又不下千五百人計實在入衛之兵祇二萬七千人耳視舊直三之二且舊皆拔其精銳今懦弱相半矣臣等於此蓋殫竭心力爲之設重險繕利器練

車戰廣召募多方以圖之卽能轉弱爲強以寡擊衆猶恐一時之功不足以爲久安長治之計必欲爲久安長治之計尙欲懇乞

陛下大奮乾剛復大寧建

藩封處三衛絕外交聯絡宣遼以爲外藩而薊鎮仍深處於內使

國家有重關之恃

宗社奠磐石之安乃爲上策卽不能然亦當

下之廷議悉心計處裨薊鎮錢糧兵馬俱必有畫一

之規長久之算如臣等所謂不得如宣大三邊

舊額之盛與三邊見今三十萬之多亦當如嘉

靖三十八年查照宣大二十八萬之眾使之或

戰或守皆不必仰給鄰封亦不失爲中策乃今

以兵馬則或聚或散有如奕碁以錢糧則或與

或不與始類乞糴已爲識者之所深憂而又議

論紛然欲盡罷人衛之衆不幾於幔藏而誨盜

乎此臣等所寧肝腦塗地而不敢奉

詔也不惟盡罷人衛之兵不敢奉

詔卽兵部議欲自隆慶四年爲始減去延綏入衛官軍一枝臣等亦竊以爲不可蓋薊昌之地其始分爲十區每區派有客兵一枝以備截殺餘則擺守而已今若全減客兵一枝則薊鎮旣缺一區截殺之兵而各鎮且不免相援爲例又將何以應之無已合無請乞

勅下該部再加查議將延綏寧夏固原入衛兵馬五枝內各減去五百名正聽臣等以近日各標下新募土著之兵各就近補足其數照舊分區備禦如此則庶乎其可也以後年分如果本鎮應募有人亦照此例以次遞減但恐

畿輔之地人易資生塞上之役事當効死一聞召募響應無人仍乞

皇上軫念薊昌爲

朝廷第一重鎮原無額設兵馬聽各鎮入衛如故如此則不惟臣等之幸實邊疆之幸矣再照入衛兵馬原係分番故有一班在薊卽又整搦一班候代必後班已到乃放前班前班抵家休息

未幾而後班又望代矣今在薊鎮既減去兵馬二千五百在該鎮卽省調兵馬五千亦非小補若更加近年入衛以弱卒羸馬僅求克數則於薊鎮爲有名無實而在該鎮爲徒勞無益甚非同舟共濟之義也伏乞

皇上勅下該部併議及之庶幾無務多而務精乃不寢失徵調初意也臣等又以錢糧言之日前薊鎮仰給戶部誠多矣然使在

國初之時如果他鎮有額設之軍則亦有額設之糧其在今日卽可因糧以求軍何至紛紛以

請發爲也惟其軍糧皆無額設是以軍則取辦於各鎮糧則仰給於戶部雖有善者無所用其巧矣今惟卽他鎮額設之糧與年例所發之數合而計之便可知其大畧也但邇年以來以入衛之兵則日減於前而錢糧則日增於後若有求其說而不得者臣等又有以知其故矣蓋前此入衛軍民二兵其月糧工食皆收給於該省該鎮薊鎮不過支給行糧料草而已且每當兩防撤

兵率有數月之間故客兵雖多而所費却少至嘉靖四十二年而後固客兵漸減戰守乏人復議於總督鎮巡標下各增設標兵一枝隆慶元年又議將督撫標兵皆全給行糧是各標兵行月二糧與馬疋草料皆從薊鎮全支錢糧歲增職此之故今既責臣等以補練之事客兵雖減而錢糧則又增矣此則諸臣與本兵思議未及臣等不得不詳言之以一解羣疑也但先今既減去人衛兵馬一萬四千五百人則每歲連更

番人馬共減去一萬九千所省沿途數千里之遠二萬九千人馬兩次往廻計五萬八千人馬行糧料草之費蓋亦係度支之數而歲免在途倒死馬疋亦不止二三千計又孰非府庫之財乎是以全體論之增於此卽減於彼亦未爲不利也以練兵修工言之臣等謬以疎庸仰荷任使誠寢食俱廢惟以禦侮爲務願事有戰守而兵分強弱人衛之兵誠強矣而弱不能戰者恒半之士著之兵誠弱矣而強可教者亦三之一臣

等取其強而可教者合標兵練之以待戰卽其弱而不能戰者俾修敵臺以待守此闔外之事臣等籌之熟矣竊謂

廟廊所宜專任而責成之不宜從中制也自敵臺南兵言之敵臺所以據地利遏勅敵制馬處弱兵易擺邊之謬爲併守之策卽韓范復生不能易矣南兵之調非專爲教烏銃也謂邊兵爲之積威所劫而南兵善戰又善守可以爲北土之倡此皆臣等焦心覃思之所爲今亦知二者之足畏而顧欲臣等盡變其初說臣等蓋不容不腐齒折舌而力爲之諍矣伏望

陛下俯從至謂欲將山東河南山西北直隸近鎮所在州縣僉派民壯照里定數量帑軍裝行糧聽各兵備官督至境上以備應援是或一道但嘉靖辛亥年間嘗募兵於此數處百姓爲之騷然至今談及猶疾首蹙額且之來去有如風雨傳報之事紛至沓來難於定執預調其兵至薊則繁費尤甚於入衛之師聽其駐師本境又恐

無濟於緩急之事是以臣等未敢輕議仰惟

聖明裁察

城完紀功行賞疏隆慶二年十二月二十六日題

據昌平道兵備僉事宋守約呈報城郭工完堅
壁有賴于

祖宗陵園之重似亦稍有裨益視別州縣之城止于
收保居民者其重輕大不相侔所據効勞大小
文武官員雖該本道動支修城之銀節次犒賞
宴待但查節奉案驗原有工完

奏賞之例似應分別叙錄以勵人心等因到臣
會同巡撫順天都御史劉應節看得昌平設在

京師

陵寢之間密邇居庸黃花之境委係

畿輔之上游邊關之要樞也所據重修城垣包築完固既經該道查覈明實并各該督工効勞官員分別前來相應照例具

奏叙錄爲照總兵官楊四畏合文武而同心視軍民爲一體軫修城之重務則量工命日身親護作之勞慮人力之不敷雖吏胥色役悉入徒庸之數經營僅以期月成功可垂百年綜理極詳

勤勞特甚兵備僉事宋守約心孚諸將義驅三軍飭備邊防則增臺繕堡居然成虎豹之關董振城工則修隍濬池屹然壯金湯之險綢繡戶以陰雨

山陵之王氣常存鞏

皇圖于苞桑邊鄙之烟塵無恐茲二臣功當首敘者也昌平州知州高尙仁政先保民守圖設險詳度費務則出納不爽乎錙銖審量事宜則訶督無懈于終始人和與地利兼興繭絲與保障並

舉標兵營遊擊馬負圖永安營坐營畢英志在
急公義能終事羿畚甬以先士卒真有胼手胝
足之勤歷山原以事斧薪甘同野宿風餐之苦
以上三臣均當敍錄以酬其勞者也伏乞

勅下該部查議上

請將總兵官楊四畏兵備僉事宋守約特加優賚知
州高尙仁遊擊馬負圖坐營畢英各加敍錄以
需推用其餘分管城工提調等官孫堂等容臣
另行分別獎賞庶勤事者不虛勞而感恩者益

圖報矣

地震疏隆慶二年十一月十一日題

據密雲縣申稱本年十一月初八日丑末時候地震有聲如雷從西北角向東南而去房屋悉皆震動有頃方止係干地方災異理合申報等因具申到臣該臣會同整飭薊州等處邊備兼巡撫順天等府地方都察院右僉都御史劉

議照地道主靜動則失其常道而為變矧茲邊境當一陽初復尤為非宜今據前因是皆臣等奉職無狀所致抑或醜潛萌窺竊幾故先

詞裏錄公奏請 卷之八 三十五
見除臣等痛加修省及申飭各該將領嚴加哨
禦外爲此謹具題

知

地方災異疏 隆慶二年十二月初八日題

據薊鎮三屯營守備崔經呈據本營直日陰陽
生王賓呈稱本年十一月二十五日子時地震
有聲自東北起往西南去訖又十二月初二日
子時天鼓鳴響自西南起往東北去訖等因具
呈到臣案照先據密雲遵化等縣申稱十一月
初八日地震有聲已經具

題去後今據前因該臣會同整飭薊州等處邊備
兼巡撫順天等府地方都察院右僉都御史劉

應節議照地道主靜天載無聲乃今兩月之內
地震二次天鼓復鳴變不虛生皆臣等奉職無
狀所致抑或邊境潛萌幾故先見除臣等痛加
修省及申飭各該將領比常嚴加哨禦外謹具
題

知

零賊乘夜竊入撲射燒窰軍人疏

據總理練兵事務兼鎮守薊州永平山海等處
地方總兵官中軍都督府右都督戚繼光揭稱
據太平寨叅將羅端呈蒙本職紙票行查五重
安關守關官及十二日夜間守關軍士併進人
出口各墩臺墩軍并見差出口外尖夜姓名逐
一查報先將守關管墩砲哨夜人員解職查理
今經查得失事官軍蘇正蒙等九員名見在理
合呈解等因到職爲照前項失事官軍設若大

擁入則勢非所敵今以此小之賊乘夜竊入責之守關等官捍禦固恐未能如彼時內外預知早爲舉號彼勢孤寡決當潛遯卽以潛入猶可截剿乃出入俱屬不知實難辭責而每區所定尖夜動稱數百少亦不下百餘烽火相望號令全無今當首犯之初乃軍門與本職新政之始若不連坐責治一番通行示知何以警衆但查得各犯內守關官爲第一可惡出口尖夜并墩軍次之管夜不收墩二官雖當連坐似宜從

輕等因備揭到臣案照先爲屬人邊撲殺軍人事臣同整飭薊州等處邊備兼巡撫順天等府地方都察院右僉都御史劉應節巡邊至牆子嶺據鎮守總兵都督戚繼光揭報五月十四日據防守太平寨遊擊胡懋功稟稱本月十二日三更時分本營軍在五重安關下燒灰被賊約有二十名各帶弓箭兵刃到于燒灰窯廠將燒灰軍人射死止彥文武進文齊伏二姚友等四名去王友能周聚臧得高李重喜等四

名前 卽時從正關城西琵琶稍出邊去訖切
照本營官軍奉調分擺洪谷口新開嶺白羊谷
白道子四處防春五重安不係本營官軍信地
因奉文調赴白羊谷修工摘撥軍士隨石便處
開窯燒灰應用以致賊 暗行窺殺且人數不
多哨瞭難及係干邊關擬合具稟等因到職案
照先爲邊備事蒙總督軍門案行本職通行做
工軍士各將盔甲器械隨帶工所夜間務在城
上宿歇又該本職慮恐各軍出口採辦臺料嚴
行各以兵馬圍護多方哨探兩准巡撫衙門手
本加意會防續爲緊急軍情事奉軍門調職督
兵趨赴密雲防備西 隨據報緩職乃回馬蘭
谷選練援兵巡撫劉都御史會同軍門出古北
口等處閱視臺工不意擦崖子提調王杰緣事
被提代署人員甫到防範疎虞致有此失但零
乘夜襲殺燒灰之軍必係平日窺伺道路熟
識若無導引豈能徑到燒灰地方此皆屬 以
住關外撫賞不遂之所爲也除一面行令跟緝

前項賊 的係何項姓名另行究處及將署提
調劉懷遠并該關守關官軍與越牆經過地方
墩軍原差出口尖夜通行掣參另行詳報等因
備揭到 臣該 臣案行整飭薊州等處兵備右叅
政楊錦備將所報事情併各該失事人員嚴行
查究去後未報今據復揭前來及據分守太平
寨叅將羅端呈爲前事大約與揭報事體相同
爲照薊昌二邊事體有險可修務守爲上故每
當春秋兩防之時無事則合力修工有警則乘

障以守此節年不易之定規也至今年春防 臣
復通行將主兵分爲二班一班修工一班操守
客兵分爲三分二分修工一分操守一以節宣
人力一以預防意外至當 報紛紜未定之時
臣與鎮巡又各出標兵分投備禦稍有實息輒
停工列陣以待固將以備大舉之寇也至於防
範屬 制馭小醜則實責成於各谷各口管關
管墩操守官軍而已今據總兵戚繼光之報則
以二十屬 據叅將羅端之報則以十四五零

言事錄卷之六
四
賊乘夜竊入 殺燒灰軍人出入自由關防何
在卽窳軍孤處零賊竊發在分守叅將羅端與
領兵遊擊胡懋功情猶可原而來則不知去亦
無阻於守關百戶蘇正蒙管墩百戶許受管夜
不收千戶尹允協併各關墩軍哨罪實難追所
據前項失事人員法應叅

奏提問但照臣欽奉

勅諭內開薊遼保定鎮巡并各鎮叅遊所屬地方各
道兵備添設修築墩堡等項官員俱聽爾節制
各領兵等官敢有臨陣不用命者自都指揮以
下許以軍法從事欽此臣又查得鎮守總兵戚
繼光欽奉

勅諭內開副叅遊守悉聽節制但有剋剝軍士沿襲
虛套教練不實及臨陣退縮觀望不前者俱許
爾徑以軍法處治欽此除各欽遵外今照百戶
蘇正蒙等一經叅

奏臣等便不復得以軍法行乎其間所以沿邊將
士習視總督總兵平時則號令難行臨事則法

度莫及徒擁虛器有如贅疣母惑乎其積弱難
振軍務日弛合無請乞

勅下該部將管關管墩百戶蘇正蒙等一百行巡按
御史提問仍聽臣行總兵官戚繼光將蘇正蒙
等挈赴軍前分別情罪輕重各以軍法從重網
打差官擊捧

令旗

令牌押發一十二路邊關示衆如此庶闔外之事
權稍重而人情玩愒庶幾其有改矣

譚襄敏公奏議卷之九

知宜黃縣事後學武原顧所有纂修

感激非常

恩遇披誠

請兵以備戰守以圖補報疏隆慶三年二月二日題

准兵部咨將總理都督戚繼光奏內事理移咨
巡撫衙門會議施行奉

聖旨郭琥着回京聽用戚繼光改充總兵官鎮守薊
州永平山海等處地方南兵不必調取其餘事